




猗蘭臺集


二稿  
三

10  
~ 16  
3371  
10





門 16  
號 3371  
卷 10



倚蘭臺集卷之三 二稿

文林  
卷三

詩

秋宮詞

上苑御遊歌管長  
新移月殿弄清光  
六宮翠黛花相似  
看取芙蓉帶露香

青樓曲

東西少婦咲聲通  
歌袖徐翻楊柳風  
飛絮紛紛

嘶白馬遊人猶醉畫樓中

同賦鳴雁行得頭字

飛去飛來春復秋  
聲聲何更使人愁  
鳴時仰見關山月  
遙映天涯回白頭

秋江泛舟得楓字

若問泛舟客  
共言垂釣翁  
波搖漾亂葦  
風落散紅楓  
鼓枻歌還好  
浮槎意自同  
更乘山月出  
將溯大江東

秋夜送別分體得五言古

今夜與君醉  
復且坐彈琴  
絲響和天籟  
颯颯入座深  
離情慰不慰  
五更頻傷心  
隣鷄一何急  
山月落秋林  
分手明朝去  
向誰發此音  
黯然而唯銷  
魂惆悵淚沾襟  
願待音書至  
萬里勿浮沈

九日酌酒得雲字

遙看秋水與秋雲  
把酒高臺秋色分  
想像秋風堪落帽  
唯今誰似孟參軍

十日對酒

醉裏何知一夜流  
解醒乘興再登樓  
共持杯酒看黃菊  
今日依然昨日秋

偶成

此生甘寂寞老更懶  
徘徊燈下書千卷  
花前酒一杯古人能  
慰我造物自任才  
萬事與心靜又何  
問草萊

艷詞

停梭坐着苑中花  
捲盡簾鉤日已斜  
歲歲不期枝上色  
隨風飛去入誰家

江上曉望得十灰韻

雲盡天門海色開  
欲曙潮波去復來  
羨看孤帆繞西嶽  
片片隨風千里回  
聞道故人故國回  
新詩幾度上樓臺  
只看江上烟波遠  
曉色還催別淚來

初冬集城南莊

猗蘭臺集卷之三  
悠悠城南道行行林中莊松樹長晚翠楊柳半  
已黃入門日正午上堂爐烟香主人自把酒座  
客各飛觴佳肴列玉椀珍菓盈水晶名山開牖  
近鳥雀窺檐藏四顧環堵靜林籟避世情願在  
此勝境百年養此生詩雖能遣興無興何成章  
筆墨君所愛吾黨共徬徨昏鐘幽聲響雲端惜  
夕陽

小峨眉山月歌

月上峨眉迴雁晴削成千丈拂雲明深潭影落  
光如玉忽入雙松忽又生

雨夜懷友

挑燈獨隱几尊酒自相親雨滴侵窓落風聲入  
樹頻詩唯思故舊杯更惱閑人半夜聞鴻雁應  
來北海濱

遊山寺

楓林山寺暮支許此相遭談與白雲靜心兼明

月高細烟焚落葉清茗當香醪稍覺游方外減  
除人事勞

雜詩

青青山上樹颯颯山畔楓下有千里水泠泠日  
夜東涼風何慘慄蕭條入林中秋色須臾變白  
首自如蓬歲月惜不住所思已無窮  
遠道復遠道悠悠與雲長鴻雁能來往春秋獨  
難忘蓬蒿漫沒徑蟋蟀空上堂堂中明月好何

時俱相望願得垂天翼高飛歸故鄉

聞懷仙樓再成諸子集飲贈越君瑞

再築懷仙樓春秋聚衆仙車馬轟大道蘭綺森  
神門城上列高樹蒼蒼至北原中有絕塵客亭  
亭游雲天神怪豈足覓衆仙皆弟昆酒肉常滿  
坐絲竹時開筵何愛藪中隱市朝亦靜閑能耽  
詩賦樂榮名且萬年寄言不死會永世云周旋

城門晴雪

鳳城晴雪曉雲影發朝暉  
狎雀泉聲遠官松綠影稀  
日升寒色潔風落素華飛  
黃竹有誰賦古今人事違

相逢行

朝過酒家去相逢同少年  
共說此春色白馬駐何邊

雜詩

獸有麒麟鳥有鳳皇  
共待聖哲于世相彰噫矣

千載詎見其靈香蘭難得  
蔓草易生草含多露  
羨姿如香採之欲佩其心  
何清燕駿可思和璧  
可稱明其可否夙夜勿忘

子遷二稿成賦此寄與

聞說泰山日月高何似東方芙蓉色  
即看君翮自握中白雪人間有誰得

憶舊時

龍池龍去有龍池  
灑淚秋風誰得知  
天樂于今



如有聽深恩欲報亦何時

秋日漫成

久歷人間行路難  
清秋蕭瑟思漫漫  
燕臺駿馬今零落  
秦地離宮獨壯觀  
湖海遙懸明月夢  
關山空隔白雲看  
各天兄弟音書少  
偶對杯樽霜露寒

同賦雨中飲得人字

松林雨日自無塵  
青甕草堂酒色新  
非是相逢

能盡石一時何道眼中人

適室新成

築成催雨雪開戶  
對中林落木風聲急  
他山雲影深興應  
劉伶酒趣自伯牙琴  
座裡將知己長聞  
流水音

歲暮飲適室得年字

人道人生七十年  
尊前一卧倚尊眠  
百盃頌盡人難醉  
猶問尊中酒似泉

冬日燕不識公席上有詩見贈和之併謝

盛設

風流館上靜無塵爲喜朝恩側席賓十載各天  
還似久一時連榻此相親樹繁花色渾堪愛酒  
熟尊前自不貧非帝明年期再會長承眉壽待  
千春

歲暮與繼之飲

對酌歲將暮老來心更閑豈今羞白髮惟日任

酡顏願得江山趣共遊絲竹間君能知此契酌  
酖未須還

可已除夜

一盃又一盃一年醉又醉聞有守歲人不如沈  
醉睡

穀日登蘭臺得催字

菜羹已昨日今日飲蘭臺雲盡芙蓉出日溫氣  
象開柳迴堤上嫩帆度海門來總爲春光早城

南游意催

春望

路上春遊共驪驩平原草暖日芬芳樹間層閣  
朝曦朗城外輕雲野色長歌管聲隨佳氣滿酒  
旗風逐柳花香百年不變繁榮地總是恩光發  
未央

歸雁

春風昨夜雁紛紛何事數聲東北分應是故園

為相隔羣山回首入冥雲

對酌與友人

花下百杯君莫辭無為別後寄相思今宵對酌  
有何限醉舞璫珊又一時

春日獨酌

頭上漉巾吹酒香春風引興醉醒長從它黃鳥  
近窺我終日啼花到夕陽

成章館春讌分韻春字今日子遷至因賦

此贈之

羨爾高歌獨自新  
郢中欲和更無人  
請看雪色爲君落  
落盡梅花笛裏春

又示子信及座上

酒熟成章館裏春  
青尊黃鳥勸杯新  
相逢醉態從它倒  
滿坐都無白眼人

又子遷見贈詩席上和荅

詩賦東山花外花  
憑君春酒弄春華  
不然何得

芳菲色今日風流入謝家

秋日漫興

獨坐曉天鄉夢難  
西山爽氣滿江干  
城頭嚴鼓星河沒  
樹上亂鴉風露寒  
千載寧無衰鳳嘆  
中原誰作卧龍看  
生涯遮莫常耽酒  
竟日清尊醉欲闌

送人之京

欲別橋邊柳絮飛  
關山一望照斜暉  
春寒玉筍

歷冰雪匹馬更堪沾客衣  
帝都絃管日紛紛獨弄瑤琴停白雲歌裡春風  
吹不止花前誰作子期聞

晚來雪繼之不至簡贈

白雪翩翩撲竹輕風流還思子猷情君今合有  
扁舟興那得青樽不為頌

子威來飲成章館初未知偶看其詩因驚  
喜率爾作寄

堪愛新詩坐裡新光如珠玉共相親我憐濁酒  
與黃鳥開絨尊前轉醉春

歸雁

數聲行雁曉紛紛半入西山半入雲老去離群  
驚幾度春風夢斷不堪聞

春燈風亂雁聲寒髣髴西樓月下看縱向秋風  
寄書信一時別恨淚闌干

題美人贈梅花

吹解東風白雪枝羅浮春色近堪持美人何爲  
世人贈錦箋將求錦字詩

雜詩

紫錦帷中春自回珊瑚牀上有誰來鳥聲寂寞  
樂游苑昔日宮花今日開

春宮詞二首

平陽歌舞綠雲鬟相咲風前桃李顏自入六宮  
動春色誰知此調在人間

鸞輿日暖御遊頻深愛百花紅粉新黃鳥聲長  
呼不盡都逢上苑玉臺春

送友之越

三月楊花飛欲盡斷猿峽上月如眉明朝君去  
與誰望影滿颺山一醉時

君嶽投詩不以常調喜而和之

誰問白雪心此調人間少偶拂琴上塵將弄聲  
縹緲

春郊晚歸

春郊芳草綠處處柳垂陰台嶺對高闕玉川繞  
遠林心兼黃鳥穩恨與暮山深欲返獨堪惜白  
頭未脫簪

中禁花宴余不能與侍焉因賦此寄同署  
人

宴成桃李更逢春玉椀金尊相映新獨恨不陪  
鸚鵡後看它都作武陵人

戲寄求官人

綠樹春風黃樹秋年華眼裡已如流青雲元帶  
浮雲色來去一時何足愁

花下飲得新字

落花如雪入杯新山下池亭酒復春對酌接羅  
堪倒着放歌不住若無人

坐忘亭小集時花爛熳

池塘花白草青青片片翻風浮綠萍相愛此時

一尊酒坐忘亭上不須醒

春日漫成

黃鳥一聲酒百杯百杯未成百杯醉落日黃鳥啼不停百杯初生尊前睡

送人之野州

攬轡白雲望欲迷茅原渡上子規啼憶君寂寞檀山暮日落高齋黑羽西

春眠歌

綺紈公子白馬驕平蕪聯騎同飛鑣輕燕蹴花追風足雄心千里日搖搖酒家少婦迎相目連理杯中春華馥一笑千金又一笑情瀾酌盡數十斛楊柳絲長夢復長下有相連雙鴛鴦鴛鴦婉孌何可別閨裏合歡綫星霜不分東風雨脚迷春眠覺來心悽悽正思春游如石火寂寞牀頭怪隣鷄

暮春池亭得塵字



亭頭風色敞池水自無塵繞檻石泉落倚山綠  
樹新雖餘花後恨猶酌酒中春坐見四時變似  
圖丘壑人

得几上具十品頗雅可愛因戲名之賦此

荷公子

新荷花未結卷葉插花新清潔如公子定知青  
眼人

山陰道士

聞道鵝群帖即看石上鵝唯今誰得似古雅據  
悟多

王母懷

蟠桃常不變採之掌中香王母再相怪猶爲曼  
倩狂

小天祿

紙上小天祿日游筆墨林林中常不去能識子  
雲心

蟾水部

蟾氏能治水背上負數子深愛臨池游蕭然上

玉几

白龍變

猶見白龍變鱗頭載管城管城可相償更有夜

珠明

伏螭

伏螭與油龍相逢風月夕螭憐油龍心漸漸深

入石

中書臺

清雅中書坐高臺日日開五雲繞欲動不愛鳳

毛才

羅浮香

花似羅浮色烟從秋蕙香美人雙可愛吹送滿

衣裳

瑠璃池

瑠璃池水滿日洗尖頭清豈慕白團扇薰風天  
外生

望嶽

壁立翠芙蓉萬邦最是宗雲霞連大海日月宿  
中峰三伏雪猶在四州青且重欲攀人已老願  
一駕飛龍

子規啼得啼字

江頭昨夜子規啼回首雲山落月西誰問頻沾

故園淚輕舟萬里客心迷

寄秀緯二首

坐忘亭上坐蕭然援琴一彈望蒼天天籟颯颯  
聲如和石泉潺潺響似連憶昔城西茅廬裡縱  
酒談笑落日前一別之後不可聽我調依舊朱  
絲絃老去風塵雅量少偶弄玉軫想往年往年  
交友今零落詩賦更見遺草賢雙袖堪濺千秋  
淚墨痕反覆數行篇造化幸餘服先生海內文

猶齋集卷之三  
十一  
章不失明服生愛我披腹心我未能盡弟兄情  
無那踈懶同故態忽忽度日豈成名唯樂一曲  
與一酌酒後耳熱歌發聲君不見黃金之臺今  
不空鄒樂之輩日將東如何獨在寂寞地釣魚  
種樹老壯雄時藿向陽猶可見高才何安巖穴  
中懷之率爾琴聲戚慙慙愴愴思無窮願君一  
假黃鶴翼來看芙蓉白雪色

伏櫪之歌誰能悲騏驥老去難騁馳按劍之客

今不少夜光投來相眄疑空哉停輶吳阪鳴良  
樂抱壁荆山須真知都下結交多富貴修飾綺  
紈誇一時一時榮名如朝露衰者已盛盛者衰  
文章千載遙無對漢魏風流見吾輩揮毫意高  
不可解守生偃蹇今安在伊歛之山何崔嵬下  
有漂疾流水回登臨南望琵琶湖上天下絕勝豁  
然來粟津城邊我所住故園風光轉美哉烟波  
浸天三百里天台山勢枕江開由來行游君所

愛新詩幾許囊中裁縱愛山水樂蒿萊何如鄴  
下同酒杯

題圓硯與忠篤

我家明月硯寄與映臨池從是成章館不妨成  
幾詩

采蓮曲

涼風翻袖采蓮遊爭弄荷花共逐流薄暮江南  
猶未止幾枝折得滿蘭舟

夏日偶成五首

夏日園林蓋四隣雨晴檻外綠陰新據梧靜閱  
右軍帖對酒頻沾靖節巾萬古盛名餘意氣一  
時交友有疎親懶生常得彥回嘆未拂朝來床  
上塵

登樓落日照山川萬里風光更渺然金闕遙連  
蒼樹裏白雲忽掩故園邊論生將假垂天翼嘆  
道堪憐浮海賢誰說房魏能貴寵諫爭數入聖

人前

瓊筵昔日集賢良  
捲盡珠簾燕未央  
舜樂奏成人意合  
堯尊同醉宦情長  
雨中梧葉生涼色  
池上芙蓉帶御香  
老去舊臣空白首  
每思陪宴淚沾裳

朝班並列五雲中  
冠佩文章鴈鷺同  
魚鑰常開香氣遍  
玉堂晝靜漏聲通  
上林樹擁千山雨  
南海雲生萬里風  
更憶先朝堪獻賦  
長楊已就見

稱雄

獨坐翹涼堪披襟  
森森綠樹北堂陰  
鳴琴聲協幽蘭茂  
清簟心閑叢桂深  
豈有風塵青眼侶  
謾爲世路白頭吟  
更思何日一尊酒  
飽醉能投冠上簪

北原懷古

崑巍佛龕秀博敞  
龍藏深飛梁彩五色  
層檀鏤獸禽藻  
椽架工畫雲  
滌光耀金夜禪  
蒼林聞朝

梵發妙音萬象歸法界冥機明五陰竟日說寶  
業上玄感靈心時哉風火烈臺閣一時滅盛迹  
已成原渺茫雲雨冽池水魚龍古大道行人絕  
狡兔詭寒叢猛虎驕窟穴雄士一何厲天馬白  
與鐵鳴飈翻旌旗亂矢飛逐雪累獲忽如丘百  
川溢流血豈帝陵谷變觀者皆嗚咽富貴亦若  
此人世不可說

成章館雨集得情字

成章館裏長夏日霖雨寂寞絕世情劇喜服生  
忽問訊率爾下榻愛同盟金尊玉椀豈新設高  
陽狂伴高酒名散髮箕踞任疎懶擊筑放歌似  
高生今日良會共酣飲皆避三舍君獨鯨又且  
彩筆千秋事誰能與君此縱橫座裡秉燭又相  
勸有酒如河豈不傾

南樓烟雨

春雨如烟迷九衢登臨却病百年軀高卑山樹

遙迤邐多少樓臺故有無村落花開分市井雲  
中雁過望江湖風塵何事偏留滯歲歲懷歸未  
得圖

流螢篇二首

日暮樹間光點點夜深檻外亂霏霏遙思似帶  
上林色空照閨中翡翠衣  
忽去忽來還不留逐風星影更如流縱能冥雨  
撲光燭夜夜轉添螢火愁

懷子遷

日夕望南丘浮雲渺且茫霜病今應痊何問肘  
後方徐步垂楊下灌園愛荀薑我唯燕雀翼不  
得與鴻翔雖戀千古思不堪九回腸世情若波  
瀾官事正面牆舉嗜臭腐肉焉能養鳳凰榮寵  
似朝露不如醕酌狂冀縱心山水共佩蘭蕙香  
此約正暨百風塵一何長

納涼



似生庭樹上風色自南來忽解午時熱何人不  
快哉

子夜夏歌

暑長恨亦長芙蓉何獨香雖浸玉池水苦熱猶  
難忘

鬱蒸南北同清涼日入後願分高臺風使滿歡  
雙袖

上聲歌

上聲在儂耳感郎使弦哀響如秋風起涕零傷  
我懷

三月楊柳枝葉密可藏雀寂靜不得見娟娟故  
相隔

銅雀悲

雀臺歌吹晚木葉搖落時秋風翻帷幔四坐琴  
瑟悲

猛虎行

貧不攻荆山璧寒不貪青雲衣猛虎踞生風野  
雀何高飛

種樹行

淮南之桂垂條幽重陰灌叢蓋小樓樓前五柳  
似靖節下有黃菊開高秋蘭蕙隱藹吐葩榮屈  
平之佩芬且清採之散積慮沐之解塵情園中  
菓物多美旨張公之梨朱仲李朱梅玉棗實相  
結華山之栗梁侯柿建春橘柚自所愛侯桃若

榴亦何廢夏茂冬索觀盛衰盛衰年年如進退  
草木不言常閑然我憐閑然無應對

灌園歌

遠林隔日生晚涼灌園菜蔬種種香堇薺盛茂  
含甘露葵藿已秀向大陽綠竹自有微風色倚  
猗涓涓覆東牆依陰藁荷故滋蔓相接白薤與  
紫薑葱韭蒜芋長數畔野夫所嗜待清霜園圃  
灌盡倚樹見衆菜離披青未央因思於陵辭相

罷閑來桔槔自上下避世樂莫樂於此歲月持  
鋤春復夏

折楊柳六月歌

待風聞牖畫娥眉六月糝臺炎熱時東堤一別  
折楊柳年年此苦有誰知

秋風引

秋風先度百尺臺梧桐一葉氣悲哉金井寂寞  
玉露冷素紈蕭颯皓月哀天上榮華與時移寒

松朝槿難相期紗窓閑燈夢復覺深更欹枕次  
第吹

秋暑殊甚七月望集成章館此日也涼風  
適至滿坐披襟得生字

成章館裏颺風生琥珀杯中酒亦清坐上偏吹  
點塵盡卧聞庭樹總秋聲

子夜秋歌

停舟採芙蓉此花何獨濃一片君心薄泛泛無

相從

金閨思

自君之別矣竟日結愁眉閨中聞歸雁獨恨歸  
來遲

昭君嘆

丹青巧作偽一旦誤娥眉我已胡地去漢宮終  
有知

江南

江南可泛船汀洲可採蓮魚游蓮葉中人游蓮  
葉東

定情歌

霜露淒兮木葉零帷帳靜兮蟋蟀鳴秋已征兮  
何時返持玉環兮向月明

別鶴操

將雙羽翼兮隔天漢東路西路兮遠漫漫不寐  
不食兮倚戶嘆

西宮秋怨

秋蟬鳴歇月初明  
斜捲珠簾漏聲寂寞西宮  
光似雪  
淒風拂檻一時生

雨飲坐忘亭得青字

座客投車轄酒杯  
一草亭秋池泉涖涖  
桂樹雨青青  
趣似劉倫達  
醉同玄石醒  
願令今日永厭  
厭共千齡

聞雁

忽破故鄉夢  
又添故鄉情  
一行聲近過  
雖雖入

江城

雲山風已落  
雲盡不堪吹  
此夕聞來雁  
何人秋  
不悲

秋夜長

金爐煙盡鳳凰靜  
皓月光明翡翠垂  
空照雲鬟  
上高檻  
更疑秋漏後  
宮遲

中秋小雨待霽得邊字

紛紛連日雨相值鳳城邊偏思雲間影共堪秋  
夜憐行吟鄴下賦坐誦謝莊篇唯願一尊酒得  
傾明月前

桂花樓成時已晚秋分得韻開字

晚霽樓成日登臨更快哉園林風露冷房總海  
烟閑堪惜中秋影欲傾黃菊杯相逢天上客醉  
勿與雲回

桂花樓和子遷席上作

清讌樓頭揮彩毫中原意氣為君豪捲簾近射  
天邊月當座遙翻海上濤寰內聲名憐病渴風  
前鬢髮只香醪裁成今日仲宣賦不讓登臨百  
尺高  
得康桓題寄桂華樓詩却寄  
秋風新入桂華垂杯酒高樓夜色移四望坐來  
堪自愛更開相憶月前詩

桂華樓望初月

把酒登樓月似眉城西秋樹桂花枝醉來回首  
暮烟起影落雲間初夜時

雨中眺望得中字

遙聽雁聲烟樹中已過南浦落江東風微雨靜  
帆檣宿向暮更看漁火紅

秋夕

秋夕宿鴉飛悠悠聲已微忽看山上月照出薜  
蘿衣

